

FJÖLSKYLDUSKEMMTUN

LAUGARDAGUR 1. DESEMBER 2012

Kynningarblað Jólalalurinn, Árbæjarsafn, kakóstöðvar og föndur.



Jóla klipping í fjárhúsinu

Allir krakkar elska tíma í Fjölskyldu- og húsdýragarðinum. Nú þegar aðventa gengur í garð breytist Laugardalurinn í Jóladal og allt verður með hátíðlegum blæ. Á morgun fær sauðfé garðsins jóla klippinguna undir klarínettuleik Skólahljómsveitar Austurbæjar.

Víð stílum inn á innri frið og fegurð fyrir augað og sálina,“ segir Unnur Sigþórsdóttir, deildarstjóri fræðsludeildar Fjölskyldu- og húsdýragarðsins. Þar bjóðast skemmtilegar stundir fyrir alla fjölskylduna á adventunni.

„Í desember breytist Laugardalurinn í Jóladal og afar rómantískt að ganga um hann ljósum prýddan. Allt er skreytt og hátíðlegt um að litast; jóla skreytt hús leynast í gróðrinum og tilkomumikill ljósafoss liggur yfir steinum í selalauginni.“

Að sögn Unnar eru menn og dýr í Jóladalnum komin í sitt besta jóla skap.

„Kýrin Sæbjörg er nýborin og kvígan hennar Sædis braggast vel. Þá á kýrin Brák von á sér á næstu dögum og margs að vænta þegar kíkt er á dýrin. Í námunda við garðinn er svo mýmargt skemmtilegt að gera; skauta í kringum jólatré í Skautahöllinni, heimsækja Ásmundarsafn, ganga um Grasagarðinn, fá sér heitt kakó og ristaðar möndlur á Café Flóru og jafnvel enda á sundsprett í Laugardalslaug.“

Óargadýr fyrir hugrakka

Á adventunni hefur jóla klippingin komið sér vel fyrir í Húsdýragarðinum.



„Ef vel er að gáð má sjá spor jóla kattarins í garðinum og stundum glittir í glyrnur hans í glugga.

Óargadýrið bregður sér oft af bæ, fer í göngutúr um dalinn og kemur þá víða við og veldur usla,“ upplýsir Unnur um ógnvekjandi og gráðugt gæludýr Grýlu sem heldur til í Hafrafelli við refagirðinguna.

„Þeir sem þora eru hvattir til að heimsækja kóttinn og í sama húsi er að finna safn uppstoppaðra fugla, lifandi skriðdýr og froskdýr.“

Sannkölluð jólastemning

Þegar Jóladalurinn hefur fest sig í sessi segir Unnur að til

standi að bæta við hann ár frá ári. Gestir eigi því von á góðu á adventum framtíðar.

„Í Jóladalnum sameinast allir um að búa til afslappaða og jólalega stemningu svo hingað sé afstressandi og notalegt að koma. Hestarnir eru jóla skreyttir, hringekjan brunar um garðinn þegar veður og færð leyfa,“ segir Unnur. Lest og hringekja verða opin um helgar frá klukkan 13 til 16. Um helgar verður líka boðið upp á hestateyningu frá 14 til 14.45.



Sögustund með Grýludóttur

Á adventu mun Sóla, dóttir Grýlu, mæta með Sögubílum Æringja og segja sögur af jóla kettinum. „Í desember fá dýrin líka sinn jóla mat; tuggur, síld og allt sem við á dagskráartíma. Nákvæmar tíma setningar fyrir jóla mat dýranna og komu Sólu má finna á www.mu.is,“ segir Unnur.

Í desember verður einnig boðið upp á súpu og brauð fyrir 500 krónur í notalegri stemningu í Kaffihúsinu.

Rúningur og jóla tónlist

Á morgun, fyrsta sunnudag í adventu, fær sauðfé í Húsdýra-

garðinum sína árlegu jóla klippingu í fjárhúsinu. „Þá rýr Guðmundur Hallgrímsson tíu ær og einn hrút um leið og handverksfólk frá Ullarselinu á Hvanneyri vinnur úr ullinni jafnóðum,“ útskýrir Unnur. Byrjað verður að rýja klukkan eitt og rúningi lýkur um fjögur.

„Klukkan tvö fer klarinetthópur úr Skólahljómsveit Austurbæjar í ferð um Jóladalinn. Tónlistin byrjar að óma í Ásmundarsafni, kemur þaðan í Húsdýragarðinn og endar í Kaffi Flóru um fjögurleytið. Því verður sannkölluð jólagleði í Jóladalnum um helgina.“

Jólasagan þín

Fréttablaðið efnir til verðlaunasamkeppni um bestu frumsömdu jólasöguna.

Verðlaunasagan birtist í Fréttablaðinu á aðfangadag, myndskreytt af Halldóri Baldurssyni teiknara.

Samkeppnin er öllum opin.

Einu skilyrðin eru þau að sagan fjalli um jólin eða fangi anda jólaanna með einum eða öðrum hætti. Lengdarmörk eru 1.000 til 1.300 orð en að öðru leyti eru efnistösk frjáls. Sögur skal senda á netfangið jolasaga@frettabladid.is.

Skilafrestur er til 5. desember.

Fyrstu verðlaun eru Intel Pentium-fartölva frá Toshiba.

Verðlaun fyrir annað og þriðja sæti eru spjaldtölvur af gerðinni United.

Sigurlaunin eru frá Tölvulistanum.



FRÉTTABLAÐIÐ

JÓLIN KOMA BRÁÐUM

Nú þegar jólamánuðurinn

er formlega genginn í garð er tilvalið fyrir fjölskylduna að setjast niður og skipuleggja næstu vikur. Desember mánuður er annasamur mánuður hjá flestum og hætt við að tíminn líði hratt. Því er upplagt að setjast niður með dagatal, skipuleggja næstu vikur og merkja inn á dagatalið. Hvenær á að baka jóla smákökur og á að bjóða litlum gestum að taka þátt?

Það er bráðnauðsynlegt að hafa eitt til tvö skipulögð sjónvarpskvöld, eitt stílað inn á börnin og annað fyrir eldra fólk þar sem horft er á mis klassískar jóla kvikmyndir með poppkorni, malti og appelsíni.

Ef fjölskyldan ætlar að senda út jóla kort er gott að vera tímanlega á ferðinni. Velja þarf réttu kortin, mynd sem fylgir með og skrifa þarf á kortin. Það er líka upplagt að föndra jóla kortin og fá börn í lið með sér.

Allir ættu að kíkja á einn jóla markað í desember en nokkrir slíkir eru í boði víða um land. Þar er hægt að kaupa jóla skraut, heitt súkkulaði og piparkökur og drekka í sig stemninguna. Desember mánuður er einnig tilvalinn til að útbúa heimatilbúin matvæli sem ýmist má nota með jóla matnum eða einfaldlega gefa í jólagjöf. Uppskriftir má meðal annars finna í Jólablaði Fréttablaðsins eða á fjölmörgum íslenskum matarbloggum. Ef snjó hefur fallið verður auðvitað að taka nokkrar sleðaferðir í næstu brekku. Ef skíðasvæði er í nágrenninu er desember mánuður tilvalinn til skíða- og snjóþettaíðkunar. Svo má auðvitað ekki gleyma að heimsækja vini og ættingja, þá sérstaklega afa og ömmu sem komast kannski sjaldan úr húsi. Að lokum má ekki gleyma því að slappa líka af og röla saman í góða veðrinu og njóta veðurbliðunnar og jóla ljósanna.



Útgefandi: 365 miðlar ehf., Skaftahlíð 24, s. 512 5000

Umsjónarmenn auglýsinga: Benedikt Freyr Jónsson, benediktj@365.is, s. 512-5411

Abyrgðarmaður: Jón Laufdal.

Jóla kvöldverður og tónleikar



Þriðjudagskvöldið 11. desember

Til styrktar Rauða Krossinum í Reykjavík

Njótum - Gleðjumst - Hjálpum

Upplifið jólastemninguna á
Hilton Reykjavík Nordica

Fram kemur hinn eini sanni
Kristján Jóhannsson ásamt
óperustjórnnum framtíðarinnar

Einstök hátíðarkvöldstund
Glæsilegt jólahlaðborð
Frábær söngskemmtun



Einstakt tækifæri til að styrkja gott málefni
og njóta góðra veitinga á glæsilegu hlaðborði
með stórbrotnum söngtónleikum

Skemmtunin hefst með fordrykk kl. 19:00 og lýkur kl. 23:00

Miðaverð kr. 11.400 - Pantanir í síma 444-5050

Sjá nánar á Jolahatid.is





KAKÓSOPI TIL GÓÐS

Alla laugardaga í desember mun Rauði krossinn í Reykjavík standa fyrir fjáröflun og bjóða upp á ilmandi heitt kakó fyrir gesti og gangandi í miðbæ Reykjavíkur. Margir góðir aðilar munu leggja fjársófnun Rauða krossins lið með því að laða fólk í miðbæinn og bjóða upp á skemmtilega viðburði þannig að miðbærinn iði af lifi um jólin. Fimmtudaginn 6. desember mun birtast fagurt og jólalegt kort af miðbæ Reykjavíkur í miðju Fréttablaðsins þar sem staðsetningar kakóstöðva Rauða krossins eru sýndar ásamt upplýsingum um tónlistarviðburði í nágrenni kakóstöðvanna. Meðal listamanna sem koma fram eru óperusöngvararnir Diddú og Kristján Jóhannsson en enn er leitað að tónlistarmönnum til að taka þátt í verkefninu. Þeir sem vilja leggja málefnið lið hafi samband við Seth Sharp í gegnum setsharp@gmail.com.



JÓLIN Í ÁRBÆJARSAFNI

Jólasýning Árbæjarsafns, Bráðum koma blessuð jólin, hefst sunnudaginn 2. desember og verður alla sunnudaga fram að jólum. Dagskráin stendur milli klukkan 13 og 17.

Þar verður hægt að fylgjast með undirbúningi jólaanna eins og hann gekk fyrir sig á öldum áður. Jólasveinarnir verða á ferðinni og heilsa upp á gesti og krökkunum býðst að fá sér far með hestvagni um þorpið. Hangikjöt mun krauma í pottum og hægt að fá að smakka. Þá verður skorið út laufabrauð og tólgarkerti steyp eins og í gamla daga. Í Dillons-húsi verður veitingasala, heitt kakó og jólalegt meðlæti.



BÓKASAFNSFÖNDUR OG FJÖR

Á bókasöfnum Reykjavíkurborgar er alla jafna margt um að vera fyrir alla fjölskylduna. Í desember verður þar engin breyting á. Laugardagar og sunnudagar eru barnadagar í Gerðubergssafni og á aðalsafninu og alltaf eitthvað skemmtilegt þar um að vera. Í desember verður jólaöfundurstund í nokkrum söfnum. Í Ársafni í Árbæ verður adventustund alla miðvikudaga fram til jóla. Þar er boðið upp á föndur, upplestur, jóladrykk, piparkökur, nýlagað kaffi og jólahappa-drætti. Þá skiptist starfsfólk safnsins á að lesa upp úr nýjum bókum milli klukkan 14-15 og á milli klukkan 15-16 verður jólaöfundurstund. Í Gerðubergi verður jólaöfundur í dag klukkan 14 og á aðalsafninu í Tryggvagötu sunnudagana 2., 9. og 16. desember klukkan 15. Þar fyrir utan er ýmislegt fleira um að vera á bókasöfnum höfuðborgarsvæðisins sem vert er að kynna sér. Þar mætti nefna origami-smíðjur sem haldnar eru þriðja sunnudag í hverjum mánuði í vetur, aðstoð við heimanám, aðstoð við blaðalestur, tungumálatorg og margt fleira. Nánari upplýsingar má nálgast á heimasíðunni www.borgarbokasafn.is.



AÐVENTUTILBOÐ



Hnattlíkón í mörgum litum, stærðum og gerðum




verð 2.990



verð 2.490

Svavar Knútur spilar í IDU Lækjargötu í dag kl. 14. Verið velkomin!



Þrennutilboð
allar þrjár saman á 9.990



verð 5.490



verð 5.990



verð 4.990



verð 4.990

finndu okkur á facebook

IDA Lækjargata 2a 101 Reykjavík sími 511-5001 opið 9 - 22 alla daga
IDA ZIMSEN Vesturgata 2a 101 Reykjavík sími 511-5004 opið 9 - 22 alla daga